



UNIVERSITÄTS-  
BIBLIOTHEK  
PADERBORN

**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Cap. 1. De Irregularitate in genere.

---

[urn:nbn:de:hbz:466:1-72898](#)

# IRREGULARITATE.

**S**unt in hoc Tractatu nouem Capita: Primum, De Irregularitate in genere. Secundum, De Irregularitate proueniente ex defectu tenitatis. Tertium, De Irregularitate ex homicidio voluntario proprio dicto. Quartum, De Irregularitate ex homicidio casuali. Quintum, De Irregularitate ex delicto notorio seu infamia. Sextum, De Irregularitate ex delicto circa Sacra menta. Septimum, De Irregularitate ex defectu corporis. Octauum, De Irregularitate ex bigamia. Nonum, De Irregularitate illegitimorum.

## CAPUT I.

### De Irregularitate in genere.

#### D V B I V M . I.

##### Quid sit Irregularitas?

**R**espondeo, Irregularitas, in proposito, est impedimentum Canonicum, id est, Ine Canonum introdutum, directe impediens acceptionem Ordinum Ecclesiasticorum, vel in suscep tis ministerium. Dico, Directe impediens: quia Irregularitas formaliter est inhabilitas ad Ordines suscipiendos, vel ad vsum susceptorum. Vnde distinguitur a suspensiōne, quae non dicit formaliter hanc inhabilitatem, sed prohibitiōnem vñs Ordinis, vel Iurisdictionis: vnde non impedit directe Ordinum susceptionem, vt Irregularitas, sed solum executionem; idque non perpetuo.

Ab Excommunicatione & Interdicto distinguitur, tum ratione formalis; tum quia, preter impedimentum susceptionis & executionis Ordini, hec etiam alia quadam includunt. Excommunicatione enim separat ab omnibus Sacramentis dandis & recipiendis, quatenus sunt participatio cum fidelibus, & a civili coniunctu fidelium; Interdictum autem ab officijs diuinis audiendi, & a quibusdam Sacramentis, qua Irregularis potest suscipere. Tum denique Irregularitas generatim non est censura, eiisque violatio non parit aliam irregularitatem. Excommunicatione autem, Suspensione, & Interdictum secundum se sunt Censure, quarum violatio si fiat per vsum Ordinum sacrorum, inducit Irregularitatem. Vide Nauarum, num. 194.

Notandum est, Neminem habendum esse Irregularem, nisi id sit Iure expressum; vt communiter Doctores in Cap. 1. quis de sentent. excommunicationis in 6. Vnde opinio Doctorum, vel consuetudinē non potest irregularitatem inducere. Quare quandocumque dubium est, Vtrum in Iure sit posita irregularitas ob certum factum, vel ob aliquem defectum, nemo idcirco censendus est irregularis: nam potest sequi benigniorem partem. Ita Couart. in Clementinā, si furiosus, num. 3. & Nauar. Cap. 6. quis autem de Penitentia, d. 72. num. 33. & 40. Similiter non est quispiam censendus irregularis; quando, Et si de iure constet, eamen de facto dubitatur. Quod si contra Sacrum & Couart. supra-

Vnus tamen casus excipitur: nempe, quando in homicidio dubitatur, an hic occiderit, vel an cum debito moderamine in sui defensionem occiderit. Nam hic in dubio facti iudicandus, est irregularis in utroque foro; vt patet ex Cap. Significati. 2. & Cap. Ad audienciam, de Homicidio. Ratio est, quia ita Iura statuerunt in detestacionem homicidij, ed quod hoc peccatum maxime debeat Ecclesiastica mansuetudinem. Vnde etiam Episcopis à Concilio Tridentino non cedetur potestas dispensandi in irregularitate homicidij occulti.

Cur vero in alijs casibus nemo sit censendus Non item irregularis in dubio sue Iuris, sive facti, ratio est: in alijs dubijs. Primò, quia non est expressum in Iure; & alioquin in dubio melior est conditio possidentis; vt patet de reguli Iuris in 6. atque hic possidet Ius ad ordines: ergo. Confirmatur: Quia in dubio nemo est sponsandus iure, quod habet; vt patet Titulo De restitutione spoliatorū. Secundò: Quia in pœnis semper benignior interpretatio facienda, quando id tenor verborum permittit; vt dicitur in reguli iuris in 6.

Dices: In dubijs pars tutor est eligenda: atqui tutius est, vt se censeat irregulararem, & abstineat à sacris Ordinibus. Confirmatur: quia haec est ratio quam adserunt Canones.

Respondeo: Id verum esse, quando est periculum aliquius magni momenti in una parte, quod in altera non est: v.g. Dubium est, utrum baptismus in nomine Christi collatus sit validus; hic est tutior pars eligenda ob periculum. Quando autem dubium est tale, quod utrinque probabiles rationes habeat, quibus utrumque pars reddatur practice probabilis, poterit sequi utram maius: quia utraque tutia est. Ad Confirmationem, Respondeo: Illam rationem, quam adserunt Canones illi, non esse validè solidam; neque id esse necessarium: sufficit enim, vt decretum ipsum solidum sit.

Dices, Innocent. III. in Cap. Illud Dominus de Obiectio clericis excommunicato ministrante, statuit Epis. ex Innoc. copum celebrantem cum dubio excommunicatis, incidisse in pœnas Iuris: Nam in dubijs, inquit, pars est eligenda; & ideo debet abstinere.

Respondeo: Ille Episcopus non habebat dubium probabile, quod esset excommunicatus, sed laborabat crassis ignorantia, que non excusat ab irregularitate. Addo post dubitationem non adhibuisse diligentiam, vt veritatem cognoscere.

Respondeo: D V B I V M . I I .

Vtrum contrahatur Irregularitas, si crimen non velcas, unde oritur, si occultia, vel aliquibus suis factis, non sunt, videlicet

pautis cognitæ?

A. Iphonsus à Castro lib. 2. De lege penal. cap. A ultimo, docet. Pro nullo crimen, quod vni tantum, vel paucis notum est, esse post penitentiam aliquam irregularē excepto homicidio, quod irregularē faciat, si vel vni constet: quod si ita sit occultum, vt nemini constet, ne hoc quidem irregu-

In dubio  
homicidij  
incurred  
irregulari-  
tas.

An semper  
in dubijs  
sit tutor  
pars eli-  
genda?

A Castro  
negat

irregularē facere. Vnde etiā infert filium Presbyteri non esse irregularē, nisi confitetur.

*Verius af-*  
*firmatur.*

Sed dicendum est, quando in Iure pro aliquo crimen vel causa infligitur Irregularitas absoluētē, quamvis illud sit occultum, nihilominus verē efficere irregularē. Est communis sententia DD. Vide Couarr. Clementinā, si furiosus, 2. p. 9. 3. num. 4.

Probatur Primo: Ex Concilio Tridentino sess. 24. c. 6. vbi ne Episcopis quidem permittit dispensationem in Irregularitate homicidij occulti, quamuis permittat ex alijs delictis occultis. Supponit ergo Concilium ex delicto occulto incurri Irregularitatem. Secundō: quia Ecclesia punit occultos criminosos per excommunicationem; vt hæreticos, qui suam hæresin, quamvis occultissimè, exteriū prodiderint. Tertiō: Ecclesia ob crimen occultum inhabilitat ad matrimonium; vt patet ex Concilio Trident. sess. 24. c. 4. De reformat. matrimonij: vbi ob affinitatem, ortam ex fornicatione intra secundum gradum, statuit esse inhabilem ad contrahendum.

Dices Primo: Ecclesia non infligit poenam Ecclesiasticam ob crimen occultum: Non enim habent latencia peccata vindictam, vt dicitur 32. q. 5. Cap. Christiana.

Respondeo Primo: Si delictum sit per se occultum, vt quando est merē internum, Ecclesia non potest illud punire: Secūs verò, si solum per accidens sit occultum, quia videlicet accidit alios non fuisse presentes.

Respondeo Secundō: Si delictum sit occultū per accidens, Ecclesia etiam non punit illud per sententiam in foro externo; & de tali vindicta loquitur Canon: sed benē punit sententiā latā à Iure, seu per Canonū in foro interiore &c. Nam simili modo potestas civilis ob delictū paternum, quamvis occultissimum, facit illegitimum inhabilem ad successionem hæreditariū.

Dices Secundō: Ecclesia non polluitur ex crimen occulto, vel paucis noto: ergo nec homo efficitur irregularis ex causa occulta. Patet consequentia: nam quod in Ecclesia est pollutio, in homine est irregularitas.

Respondeo, Negando Consequentię: est enim dissar ratio. Quia quod Ecclesia censetur polluta, egeatque expiatione, non est propriè in poenam alicuius delicti, neque ob ipsam Ecclesiam: sed vt populus intelligat, locum illum, in quo Deus colitur, singularem requirere veneracionem, quæ non cessat, quando delictum est occultum; quia per tale delictum veneratio populi erga locum non est imminuta. In irregularitate spectatur punitio criminum, quæ etiam in occultis locum habet.

Dices Tertiō: Si occultus criminosus est irregularis, ergo tenetur se prodere abstinentio ab officio, ad quod tenetur.

Respondeo: Quando est periculum, ne abstinentio contrahat infamiam, potest præviā contritione celebrare, quamciu durat illud periculum; intellige, si autē non potest habere dispensationem: non tamē potest suscipere Ordines; quia non suscipiendo non se prodit, nec infamia.

## DVBIVM III.

*P*trum ad Irregularitatem, qua in poenam delicti est constituta, sufficiat culpa venialis?

**C**AETANUS Verbo Irregularitas, '2. 2. q. 64. Art. 8. & multi alii affirmant. Ratio est, quia culpa venialis sufficit ad excommunicationē minorem, quæ non est minor poena.

Respondeo, Verius esse requiri culpan mortiferam. Ita docet Sotus lib. 5. de Iustitia, q. 12. a. 9. Nauarrus nu. 252. Alphonſus à Castro lib. 2. De lege penali c. 14. Petrus Nauarra lib. 2. de restitu-

cap. 1. n. 54. multique alij recentiores.

Probatur Primo: Quia est poena grauis, immo multo grauior, quam excommunicationē minor: reddit enim inhabilem ad Ordines, & rerū vsum, & ad beneficium ecclesiasticum, multoque difficiū tollit. Vnde quando infligitur ob culpā, censenda est ob culpā completam in ratione culpā infligi, qualis est sola mortifera. Confirmatur: quia æquitas non patitur, vt pro leui culpa grauis infligatur poena.

Probatur Secundō: Quia alioquin, qui se defendendo occideret alterum, raro evaderet irregularitatem; quod est contra Clementinā, si furiosus, de Homicidio: nam raro ita cautē se defendit, vt non peccet venialiter.

## DVBIVM IV.

*Quis sint effectus sententia Irregularitatis late-*  
*a Iure, vel ab homine?*

**R**espondeo: Primus effectus est, Ineptitudo ad Ordines suscipiendos.

Secundus, Ineptitudo ad Ordinum executionem. Vbi notandum est, si oriatur irregularitas ex defectu corporis sine culpa, non impedit cuimvis Ordinis quamvis executionem, sed eam dumtaxat, ad quam est inhabilis: vt si Sacerdos amittat manum, poterit nihilominus absoluere, cancre Euangeliū, & similia.

Tertiū effectus, Est inhabilitas ad beneficium Ecclesiasticum, sic, vt collatio facta irregulari sit facta irregulare nulla. Ita Nauar. nu. 251. Couarr. 2. p. §. 3. n. 6. gulari sit irrita defacta, quod est contra Siluestrū, Excommunicatio, 4. n. 4. vbi docet collationem valere, & impetratā dispensatione ab irregularitate, non esse opus nouā collatione. Verū altera sententia est communis. Ratio iuxta Nauarrum est, quia inhabilis ad principale, est inhabilis ad annexum: sed beneficium est annexum Ordini, & vñi Ordini, ad quem vsum irregularis est inhabilis. Et Confirmatur: Quia Beneficium est propter officium, vt patet Capit. Finali, de Rescriptis in 6. Atqui irregularis est ineptus ad officia Ecclesiastica: ergo & ad beneficium. Adverte tamen, Has rationes non conuincere de beneficio simplici, quod solum requirit Horarum recitationem.

Hinc sequitur, Eum teneri restituere fructus ex beneficio in irregularitate quæsito perceptos.

Quod autem ad beneficium ante irregularitatem obtentum attinet, per irregularitatem superuenientem non priuat ipso iure: non potest tamen illud retinere, nisi det operam, vt impetrat dispensationem irregularitatis. Quod intellige, si beneficium requirat vsum Ordinis sacri, alioquin non erit opus dispensatione. Vide Couarr. in Epitome

**Epitome 4.** Decretalium 2. p. cap. 6. §. 8. num. 7.  
Sequitur de speciebus Irregularitatis,

## CAPUT II.

## De Irregularitate proneniente ex defectu lenitatis, seu ex homicidio occisione, vel mutilatione iusta &amp; c?

<sup>8</sup> Tripliciter homo iustè occidi. Primò: Tripliciter hominem iustè occidi, Primò: ad suum, vel suorum necessarium defensionem. Secundò: in bello iustè.

Sub homicidio comprehenditur sola mutilatio.

Ocēdens, vel mutiliā ante baptismum non sit irregularis, ut nec mutilans ad suum iustum defendere.

Tertio: in Iudicio.

Notandum Secundò: Quando agitur de irregulatate, nomine homicidij vel occisionis, comprehendunt etiam mutilationē, & nihil aliud, iuxta communem Doctorum sententiam.

Vnde si alterum grauior vulnus, aut mancum reddas, sine tamen mutilatione, non incurres irregularitatem.

Notandum Tertiò: Si occidas aut mutiles ante baptismum, non contrahes inde irregularitatem, sed solum, si post baptismum: nam Iura id solum exprimunt, Cap. Si quis viduam, d. 50. Idque merito: quia omnis culpa, omnisque lenitatis defensus baptismō censemur abluī: Secūs de bigamia, vt infra.

Notandum Quartò: Eum qui occidit, vel mutilauit alium ad suum necessarium tuitionem, excipi ab hac irregularitate: Clementina, Si furiosus, De homicidio. Circa tamen occisionem ex defensione sui, est.

## DVBIVM I.

*Virūm occidens inuasorem, si poterat fugā euadere, fiat Irregularis?*

<sup>9</sup> Si fuga sit periculosa, etiamsi occidat inuasorem. Ita Couarr. 3. p. num. 4. Ratio est, quia defensio ibi censemur necessaria. Si autem non sit periculosa, sed solum ignominiosa, fiet irregularis, iuxta communem sententiam, quam tenet Couarr. suprà, et si dubitanter, & Nauarr. num. 211. Ratio est: quia in Clementina De homicidio solum excipitur is, qui aliter mortem vitare non potest, nisi occidens vel mutilando inuasorem.

Verum probabile est, Laicum non fore irregularum in hoc euentu; si videlicet fuga ita fit ei ignominiosa, vt sub peccato mortifero non teneatur fugere. Insinuat Couarr. suprà num. 6. Ratio patet partim ex dictis Dubio 3. partim ex discordis infra.

## DVBIVM II.

*Virūm is, qui in aliquo casu tenetur defendere proximum, aut Rempub. incurrit Irregularitatem, si occiderit?*

<sup>10</sup> **N** Auarrus num. 213. & quidam alii putant incurrire. Sed verius videtur non incurrire, vt docet Couarr. 3. p. num. 5. citans Fortunium in legem Vt vim, si de Iustitia & Iure. Idem etiā tenet multi recentiores.

Opinio negans propositum.

Probatur Primo: Quando quis iusto precepto cogitur, non censemur homicidium voluntarium: at obfolum homicidium seu occisionem voluntariam incurrit irregularitas, iuxta communem sententiam. Nec obstat, quod Iudez, occidens sonem, fiat irregularis, cum tamen ad id iusto precepto cogatur: nam illa occisio censemur voluntaria in sua causa; sponte enim suscepit officium Iudicis.

Secundo: Hæc Irregularitas incurritur solum ob defectum lenitatis, cum omnis culpa absit: sed qui precepto coactus occidit in necessariam defensionem Reipublicæ, censemur satis lenis & mitis: ergo.

Tertio: Si Clericus accusat aliquem, quando ad id tenetur ad impediendum damnum proximi, vel Reipublicæ, non sit irregularis, etiam si mors inde sequatur, vt docet Cajetanus 2. 2. q. 33. art. 7. Cuius ratio est, quia Canones non prohibent, quod Ius diuinum præcipit: ergo si milititer neque fiet Irregularis, si Rempub. defensio aliquem interficiat.

Quarto: Non est credibile Ecclesiam velle cuquam esse tanto detimento, quod Ius diuinum impletat: multi enim auerterentur ab huius precepti impletione timore tantæ penæ. Graue enim incommodum est, non posse ad sacros Ordines promoueri, neque in susceptis ministrare. Aliud est in Iudicibus, quia sponte hoc faciunt.

Dices, Clementina, Si furiosus, excipitur solum is, qui mortem euadere non potest, nisi occidendo suum inuasorem: ergo qui pro necessaria defensione alterius occidit, fit irregularis.

Respondeo: In illa Clementina solum agitur de homicidio voluntario, quo quis occidit alterum non compulsus aliquo iusto precepto, vel magna necessitate. Qui enim non voluntarie occidunt, nullo vnuquam Iure fuerunt irregulares: vnde Clementina de illis non loquitur.

## DVBIVM III.

*Vtrum fiat Irregularis, qui pro necessaria bonorum defensione alterum occidit?*

**V**G. Si fur res meas auferat, nec aliter eas possim tueri, aut recuperare, nisi cum occidendo. Communis fieri sententia est, fieri irregulariter. Vide Nauarr. num. 211. Ratio ipsius est, quia hic Iure antiquo ante Clementem. Verat irregularis, & in Clementina unica de homicidio, non excipitur: ergo manet Ius antiquum in suo vigore. Si obijcas, Clericum & Laicum in hoc casu licite posse occidere, & sine peccato, ac proinde non fieri irregulariter: Respondeo Negando Consequentiam: Nam ad irregularitatem non requiritur peccatum. Quidam propter hoc argumentum dicunt, Clericum non posse sic tueri sua bona.

Nota tamen: Couarruum 3. par. num. 6. tenere, nunquam occidorem fieri irregulariter ob Probabilis defensionem bonorum suorum, vel vita alterius, opinio negatur, quando iure naturæ potest inuasorem occidere, nempe, vim vi repellendo.

Ratio ipsius est, quia ob homicidium priuatum, id est, à priuato, non auctoritate publica commissum, non incurrit irregularitas, nisi sit peccatum.